

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/03, 34/03 i 65/13) a u vezi sa tačkom III Odluke o utvrđivanju uslova i kriterija za imenovanje u regulirane organe („Službene novine Tuzlanskog kantona“ broj: 4/12 - prečišćen tekst, 6/12, 8/14, 12/15 14/15, 12/24 i 17/25) i Odluke Vlade Tuzlanskog kantona broj: 02/1-04-37754-4/25 od 13.01.2026. godine, Ministarstvo zdravstva Tuzlanskog kantona, raspisuje

JAVNI OGLAS

za izbor kandidata za poziciju predsjednika i članova Upravnog odbora Zavoda zdravstvenog osiguranja Tuzlanskog kantona

1. Objavljuje se Javni oglas za izbor kandidata za poziciju predsjednika i članova upravnog odbora Zavoda zdravstvenog osiguranja Tuzlanskog kantona i to:

- tri člana iz reda osiguranika zdravstvenog osiguranja,
- dva člana iz reda poslodavaca,
- četiri člana iz reda zdravstvenih radnika.

2. Opis pozicije člana upravnog odbora:

Pored poslova utvrđenih Zakonom o zdravstvenom osiguranju ("Službene novine Federacije BiH", br. 30/1997, 7/2002, 70/2008, 48/2011, 100/2014 – odluka US, 36/2018 i 61/2022), Zakonom o Zavodu zdravstvenog osiguranja Tuzlanskog kantona („Službene novine Tuzlanskog kantona br. 14/99, 15/13 i 7/15), Statutom i drugim zakonima i podzakonskim aktima, Upravni odbor donosi Poslovnik o radu i Program rada Upravnog odbora, utvrđuje Program zdravstvene zaštite koji je predmet ugovaranja sa zdravstvenim ustanovama, donosi Finansijski plan i druge planske dokumente Zavoda sukladno zakonu, odlučuje o visini, kriterijima i načinu isplate naknade koje zavod prema svojim finansijskim mogućnostima ugovara i plaća zdravstvenim ustanovama za pružanje zdravstvene zaštite osiguranim licima kao i druge utvrđene poslove.

Predsjednika i članove upravnog odbora imenuje Vlada Tuzlanskog kantona.

Predsjedniku i članovima upravnog odbora pripada mjesečna naknada za rad.

Predsjednik i članovi Upravnog odbora imenuju se za vrijeme od četiri godine i mogu biti ponovno imenovani

3. Kandidati koji se prijave za poziciju trebaju ispunjavati sljedeće opće uslove:

1. da su državljani Bosne i Hercegovine;
2. da su stariji od 18 godina, ali ne stariji od 65 godina;
3. da su zdravstveno sposobni za obavljanje poslova na koje se kandiduju;
4. da nisu otpušteni iz državne službe kao rezultat disciplinske mjere, na bilo kojem nivou vlasti u BiH u periodu od tri godine prije dana objavljivanja upražnjene pozicije;
5. da nisu osuđivani za krivično djelo;
6. da nisu kažnjavani iz oblasti privrednog prestupa i da im nije izrečena zaštitna mjera zabrane vršenja poziva, djelatnosti ili dužnosti;
7. da se na njih ne odnosi član IX 1. Ustava BiH;
8. da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji BiH („Službene novine Federacije BiH, broj: 70/08).

4. Pored općih uslova kandidati treba da ispunjavaju sljedeće posebne uslove:

1. da imaju završenu višu odnosno visoku stručnu spremu odnosno odgovarajući ekvivalent zavisno od uslova utvrđenih posebnim aktom reguliranog organa;

2. najmanje jednu godinu radnog iskustva nakon sticanja više, odnosno visoke stručne spreme na poslovima u okviru svog zanimanja;
3. da nisu članovi upravnog, izvršnog ili drugog organa političke stranke;
4. da nemaju privatni finansijski interes u Zavodu zdravstvenog osiguranja Tuzlanskog kantona i da nemaju drugih smetnji za imenovanje utvrđene posebnim propisima;
5. da nisu članovi upravnog ili nadzornog odbora drugog reguliranog organa, a ukoliko jeste član drugog upravnog, odnosno nadzornog odbora, kandidat će dostaviti ovjerenu izjavu da će po konačnom imenovanju odstupiti sa pozicije u roku od sedam dana od dana imenovanja;
6. da nisu direktor javne ustanove koja se finansira iz kantonalnog budžeta ili kantonalnog vanbudžetskog fonda.

5. Za sve kandidate koji u potpunosti ispunjavanju opće i posebne uslove iz ovog oglasa u postupku konačnog izbora uzet će se u obzir i slijedeći kriteriji:

1. dužina radnog odnosa;
2. veći stepen stručne spreme srodnog zanimanja;
3. komunikativne i organizatorske sposobnosti;
4. minimum znanja o organizaciji i djelatnosti Zavoda;
5. sposobnost savjesnog i odgovornog obavljanja poslova člana upravnog odbora;
6. sposobnost nepristrasnost donošenja odluka;
7. sposobnost upravljanja finansijskim i ljudskim resursima;
8. naklonost timskom radu;
9. rezultati tokom karijere.

Uz potpisanu prijavu, u kojoj je kandidat dužan naznačiti za koju poziciju se kandiduje, dužni su dostaviti i:

1. biografiju, adresu i kontakt telefon,
2. uvjerenje o državljanstvu,
3. izvod iz matične knjige rođenih,
4. ukoliko je kandidat bio zaposlen ili je još zaposlen u državnoj službi, o ispunjavanju uslova iz tačke 3. alineja 4. dostavlja uvjerenje /potvrdu. Oni koji nisu radili u državnoj službi kao dokaz prilažu izjavu ovjerenu kod nadležnost općinskog/gradskog organa ili notara,
5. izjavu da nije osuđivan za krivično djelo, ovjerenu kod nadležnog općinskog/gradskog organa ili notara;
6. izjavu da nisu kažnjavani iz oblasti privrednog prestupa i da im nije izrečena zaštitna mjera zabrane vršenja poziva, djelatnosti ili dužnosti, ovjerenu kod nadležnog općinskog/gradskog organa ili notara;
7. izjavu da se na njega ne odnosi član IX 1. Ustava BiH; ovjerenu kod nadležnog općinskog/gradskog organa ili notara;
8. izjavu kandidata da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji BiH, ovjerenu kod nadležnog općinskog/gradskog organa ili notara;
9. diplomu o završenoj stručnoj spreml;
10. uvjerenje o radnom iskustvu;
11. izjave kandidata o ispunjavanju uslova iz tačke 4. alineja 3, 4, 5, i 6 ovog Oglasa, ovjerene kod nadležnog općinskog/gradskog organa ili notara.

Dokumenti priloženi uz prijavu moraju biti originali ili ovjerene kopije i ne stariji od šest mjeseci. Dokaz o ispunjavanju uslova iz tačke 3. alineja 3. „uvjerenje o zdravstvenoj sposobnosti“ dužan je priložiti naknadno samo kandidat koji bude imenovan u upravni odbor.

Svi kandidati koji budu stavljeni na listu sa užim izborom bit će pozvani na intervju. Prije intervjuja kandidati su dužni popuniti obrazac sa podacima o ranijim neposrednim rukovodiocima od kojih se mogu dobiti preporuke i informacije o kandidatima i obrazac o sukobu interesa.

Kandidati zaposleni u organima državne službe koji uđu u užu izbor i budu pozvani na intervju, prilikom obavljanja intervjuja dužni su priložiti rješenje kojim je kandidatu data pismena saglasnost od strane rukovodioca organa državne službe za obavljanje dopunske djelatnosti.

Prijavu sa dokazima o ispunjavanju navedenih uslova potrebno je dostaviti u roku od 15 dana od dana posljednjeg javnog objavljivanja oglasa. Javni oglas će biti objavljen u „Službenim novinama Federacije BiH“ i dnevnim novinama „Večernji list BH“.

Prijave sa svim traženim dokumentima dostavljaju se lično ili poštom preporučeno, na adresu: Ministarstvo zdravstva Tuzlanskog kantona, Centralna pisarnica Vlade TK, Ul. Fra Grge Martića br.8, 75 000 Tuzla, uz naznaku „Prijava za javni oglas za Upravni odbor Zavoda zdravstvenog osiguranja Tuzlanskog kantona“- NE OTVARATI.

Neblagovremene i nepotpune prijave neće se uzeti u razmatranje.

Broj: 13/1-04-037754-5/25

Tuzla, 15.01.2026.godine



MINISTAR

Dužanka Bećirović
Prim.dr. Dužanka Bećirović